



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XXXIX. De Dominica I. Augusti, ac Ferijs eam Subsequentibus.

urn:nbn:de:hbz:466:1-39937

subsequentis Hebdomadæ ponenda sint, non abs re fuerit, antequam de Dominica XII. ac reliquis, quæ usque ad Adventum occurrere possunt (non possunt autem pauciores quàm 23. nec plures, quàm 28. eò usque à Tempore Pentecostes occurrere, prout scilicet Pascha aut ferius, aut citius hòc vel illò annò incidit) pluribus in specie, ac cœpto Ordine

infra Tit. 58. eumque subsequentibus agam, prius ea persequi, quæ a Sabato ante Dominicam I. Augusti usque ad Sabbarum post ultimam Dominicam Novembris circa Ordinandum Officium tum *Dominicale*, tum etiam *Feriale*, quoad superius Commemorata Rubricæ Breviarj Romani præscribunt. Sit igitur.

TITULUS XXXIX.

De Dominica I. Augusti, ac Ferijs eam Subsequentibus.

DOMINICA I. MENSTIS AUGUSTI ponitur Initium Librorum Salomonis (qui *Sapientiales* à Scripturarijs dicuntur) & legitur de eis usque ad Dominicam I. Septembris in *Officio* non modò *Dominicali*, ac *Feriali*, sed etiam tunc, quando *Officium fit de Sancto*, nisi in ejus Festo aliæ propriæ Lectiones de Scriptura, vel de Communi Sancti assignentur; tunc enim *Initium* Lectionis Scriptura transfertur in sequentem diem similiter non impeditam, Lectiones autem illi diei de eadem Scriptura assignatæ vel cum Superioribus Lectionibus legantur, vel omitantur, ita, ut non oporteat eas amplius in alio sequenti die resumere, sed illæ postmodum sequentibus diebus legantur, quæ sua quaque die occur-

runt, aut cum eisdem jungantur: id quod semper seruetur (ut monet Rubr. Gen. Tit. 26. n. 6.) quando Lectiones occurrentes de Scriptura aliquo die omittuntur: nunquam verò ultra tres Lectiones in qualibet Feriali (ne nimium scilicet gravetur Clerus) legendas esse saltem in *Choro*, sancitum fuisse in Recognitione Breviarj sub Clem. VIII. asserit Gavant; Tom. 2. Sect. 6. c. 21. n. 11. ubi tamen extra Chorum in recitatione privata permittit, ut quis integrum totum Textum 3. Lectionum pro Initio alicujus Libri Sac. Script. per modum unius legat Lectionis, quando illud Initium suo die poni non potuit. Quod dictum de transferendo *Initio* Lectionis de Sacra Scriptura, quando die, quò
F f 2 ali-

alioquin occurrit, ob Festum proprias habens Lectiones in I. Nocturno, poni non potest, intelligendum quoque suo modo est de *Responsorijs*, quæ primo ponuntur in aliqua Dominica, ut scilicet quando ob occurrens Festum Duplex in aliqua Dominica, in qua alioqui primo ponenda forent, in tali Dominica poni non possunt, primo ponantur prima die ejus Hebdomadæ, in qua occurrit fieri de Feria (omissis alijs, quæ fortè in illa Feria propria habentur) tanquam Historiæ Principium, antequam ponantur alia Responsoria. Quod si verò totâ Hebdomadâ non occurrat dies, in quo fiat de Feria, Responsoria illa Dominicalia primo ponantur in sequenti Dominicâ, vel Hebdomadâ similiter non impeditâ, dummodo sequens illa Dominica in suo I. Nocturno non habeat ipsamet alia Responsoria primo ponenda: tunc enim priora illa, quæ primo nunquam poni potuerunt, eò anno sunt omittenda. Illa quoque Responsoria, quæ in aliquibus Ferijs per Hebdomadam habentur, si eo die, quò posita sunt, non possunt dici propter Festum occurrens, non sunt transferenda in aliam Diem, sed prorsus sunt omittenda, esto nunquam fuerint adhuc posita. *Rubric: Genes. XXVII. n. 6. & 7.*

Cæterùm I. DOMINICA alicujus Mensis, in qua primo ponitur *Initium Libri de Scriptura, cum sua Historia*, id

est, cum *Responsorijs*, positus in Proprio de Temp: juxta Rubricas Brev: Rom: Tit. 4. illa dicitur, quæ vel venit in Kalendis illius Mensis, vel, si in his non venit, saltem est proximior seu vicinior Kalendis illius Mensis, ut si Kalendæ venerint in II. vel III. vel IV. Feriâ, tunc I. Dominica Mensis, in qua Liber Scripturæ inchoatus ponitur, est ea, quæ præcedit Kalendas, licet veniat in præcedenti Mense: si autem Kalendæ venerint in V. vel VI. Feria, aut in Sabbato, tunc I. Dominica Mensis est ea, quæ sequitur Kalendas. Porro in Sabbato præcedenti Dominicam I. cujuslibet Mensis, ex supra memoratis ponitur ad *Magnificat* Antiphona Historiæ, Dominicæ illi assignatæ, similis aliâ, quæ fortè alioquin occurreret. Historiæ verò, id est, Responsoria illius Libri, qui Dominico Sabbatum illud subsequente primo ponitur, si propter Festum Duplex in ea Dominica occurrens, poni non possint, tunc primo die infra Hebdomadam, in quo contingit Officium fieri de Feria, ponuntur Responsoria I. Nocturni Dominicæ, omnia alijs Responsorijs, si fortè in illa Feria haberentur propria, servatisque etiam cæteris, in Rubrica 27. supracit. n. 7. præscriptis. His ita generaliter præmissis

SABBATÒ ante Dominicam I. Augusti Antiph: ad *Magnificat* in hunc modum: *I. Vesperis est: Sapientia edificavit*

Verfus: *Vespertina Oratio &c.*, ut in Pfalter. Oratio ea, quam illò annò tangit Ordo Dominicarũ post Pentec. usque ad Adventum libimet succedentium. Porrò Antiphonæ pro 1. Vesperis cujuslibet Dominicæ dictorum mensium extant in 1. Parte, Orationes verò in 2. Parte PROPRII de TEMPORE. Reliqua autem dicuntur, ut Sabbatò ante Dominicam III. post Pentec. *Col. Virid.* si fiat de Dominica, quæ non sit dies infra aliquam Octavam: nam Dominicis infra Octavas occurrentibus servandus est Color Octavarum ab Octava Pentecostes usque ad Adventum exclusivè per Rubricam Missal: infra citandam, si de Dominica infra Octavam saltem à Capitulo fiat Officium. Idem est de Dominicis ab Octava Epiphaniæ usque ad Septuagesimam exclusivè infra Octavas occurrentibus, ut ibi: secus est de Dominicis infra Octavas in Adventu occurrentibus, in his enim servatur Color Officij de Tempore per eandem Rubricam, uti & in Dominicis Septuagesimæ, Sexagesimæ, ac Quinquagesimæ infra Octavas venientibus.

DOMINICÀ I. Augusti pariter omnia dicuntur, uti præcedentibus Dominicis post Octav. Pentec. exceptis sequentibus: Lectiones I. Noct. *De Dominica I. Augusti: Incipiunt Parabole Salomonis.* II. Noct. de ead: Dominica, ut ibi. III. de Homil: Dominicæ currentis post Pentec: ut in

Ordine Dominicarum post Pentec. extante post Hebd: V. seu ult. Novembr. *Responsoria* omnia in Loco: & quæ dicuntur in hac Dominica, dicuntur etiam in sequentibus Dominicis usque ad Dominicam I. Nov. Antiph: ad *Benedictus* & ad *Magnificat* pro 2. Vesperis Dominicæ I. Augusti unà cum Oratione sumuntur ex Dominica currente post Pentecosten. *Missæ* de ead. Dominica currente post Pentec. (siquidem de ea fiat Officium) cum *Glor. Cred.* ac alijs, ut Dominicâ III. post Pentec. *Col. Virid.* nisi veniat infra aliquam Octavam, tunc enim Color Officij ac *Missæ* etiam Dominicalis convenire debet Festo, infra cujus Octavam Dominica occurrit. Si hodie Officium non fiat de *Dominica*, tunc observanda sunt ea, quæ ead: Dominicâ III. post Pentec. sunt annotata.

FERIÀ II. infra Hebd. I. Aug. si de ea fiat Officium, dic: Lect: de Script. occurrente infra Hebdomadam I. Mensis Augusti, nisi heri factum fuerit Officium de Festo Duplici, habente proprias Lectiones in I. Nocturno, ac eapropter ponendum sit Initium Libri Parabolarum Salomonis, de quo plura in hesternâ Dominica, & alibi: Estque hoc ipsum etiam observandum in sequentibus Ferijs. Responsoria (nisi ob occurrens in hesternâ Dominica *Festum Duplex*, hodie primò ponenda sint Responsoria ex I. Nocturno hesternæ

F f 3

De

Dominicæ) uti notantur hâc Feriâ, dicunturque in omnibus Ferijs secundis usque ad Dominicam I. Septembr. Oratio ex Dominica hesternâ post Pentec: Reliqua omnia in Officio ut supra Feriâ II. post Dominicam III. post Pentec. *Col. Virid.* Missa Dominicæ præced. (sine *Glor. & Cred.*) vel Defunctor: &c. ut ibid.

FERIÂ III. infra Hebd. I. Aug. Lectiones de Scriptura occurrente, ut ibi, nisi ponendum sit *Initium Libri Parabolar.* Responsorialia, si fiat de ea, ex Feriâ III. corrente infra Hebd. I. Augusti (nisi fortè primò ponenda sint Responsorialia I. Nocturni præced: Dominicæ) dicunturque hæc eadem Responsorialia etiam in sequentibus Ferijs tertijs usque ad Dominicam I. Septembr. Reliqua ut supra Fer. III. post Dominicam III. post Pentec. *Missâ* ex Dominica præced: sine *Glor. & Cred.* Orat. 2. à *Cunct.* 3. ad *Libit.* Præf. Commun. In fine: *Benedicamus.* *Col. Vir.*

FERIÂ IV. infra Hebd. I. Aug. Lect. de Scriptura occurr. Responsorium I. (*Domine Pater &c.*) sumitur in Officio Feriali ex III. Noct. Dominicæ præced. estque VII. illius Dominicæ, extans post Lectiones, & Responsorialia II. Nocturni. Post II. verò & III. Lectionem hodiernam ponitur Responsorium II. & III. Feriæ II. præcedentis: & sic etiam in alijs Ferijs IV. hujus Mensis: dicunturque hæc eadem Responsorialia etiam in

Sabbatis, in quibus fit de Feriâ, non de B. V. in Sabb. uti contingit quando in Sabbatum, in quo non occurrit Festum 9. Lectionum, imò dicitur *Vigilia.* Reliqua, ut supra Fer. II. infra Hebd. III. post Octav: *Pentec. Missâ* ut heri. *Col. Vir.*

FERIÂ V. infra Hebd. I. Aug. Lect: de Script. occurr. Responsorialia in Officio feriali à Tempore, quod est à Dominicâ III. post Pentec: usque ad Adventum, quavis Feriâ V. sumuntur ex I. Noct. Dominicæ proximæ præcedentis: Reliqua in Officio, *Missâ*, ut heri. *Col. Vir.*

FERIÂ VI. infra Hebd. I. Aug. Lect: de Script: occurr. Responsorialia in Feriali Officio è Dominicâ III. post Pentec: usque ad Adventum sumuntur quavis Feriâ VI. ex II. Noct. Dominicæ proximæ præcedentis. Reliqua ut supra Feriâ VI. post Dominicam III. post Pentec. *Missâ*, ut heri. *Col. Vir.*

SABBATÒ infra Hebd. I. Aug. sunt omnia modò supra dictò in Sabbato post Dominicam III. post Pentec: nisi quòd, si hodie fiat de B. V. in Sabb: Lection. duæ primæ sumuntur de Script: hodie occurrente; ceteræ verò de B. V. ex Mense corrente (ut ibi) etiam si simul occurrat Festum Simplex; de hoc enim fit tantum Commemoratio, si fiat de B. V. in Sabb. & sic etiam in alijs Sabbatis in quibus hoc Tempore usque ad Advent: fit de B. M. in Sabbato: ut illis

illis autem Sabbatis, in quibus hoc Tempore (nempe eo, quod est à Dominica III. post Pentec: usque ad Adventum) fit de Feria, & non de B. V. in Sabbato, nec de aliquo Festo 9. Lectionum, sed v. g. de *Vigilia*, aut *Feria Quatuor Temporum* Mense Septembri, Lectiones tres in Nocturno Feriali dicuntur de Homilia illius *Vigilia*, vel *Feria*, cum Commemoratione Festi Simplicis, sine ultima de eo Lectione: Responsoria autem tunc dicuntur, ut Feria IV. proximè præcedente hujus Hebdomadæ, & Col: tunc *Viol.* Atque ad

Normam hujus Hebdomadæ 10. Mens: Aug: Ordinantur etiam *Officia* ac *Misse* sequentium Hebdomadarum hujus Mensis.

SABBATÒ ante Dominicam II. Aug: Antiphona ad *Magnificat* pro Dominica sequente est: *Ego in altissimis.* Col. Virid. nisi currat aliqua Octava; tunc enim, utur *Vesperæ* saltem à Capitulo sint de Dominica, Color debet esse Conformis *Festo*, infra cujus Octavam crastina occurrit Dominica, non autem *Dominica*, seu esse Viridis, per Rubricæ Gener: XVIII. Missal. n. 4.

TITULUS XL.

De Dominica II. Augusti, ac Ferijs eam Subsequentibus.

DOMINICA II. Augusti ponitur in I. Nocturno *Initium Libri*, qui dicitur *Ecclesiastes*, nisi occurrat Festum Duplex, habens proprias in I. Nocturno Lectiones, alioqui proxima die simili Festo (id est, proprias in I. Noct: habente Lectiones) non impedità, seu *Festiva* illa sit seu *Ferialis*. In II. Nocturno (si de ea fiat *Officium*) Lectiones propriæ in Loco. III. Nocturn: de Homilia Dominicæ currentis post Pentec. Indidem fumuntur Antiphonæ ad *Benedictus*, ad *Magnificat*, & *Oratio*. Responsoria verò, ac Cætera omnia in *Officio*, ut in *Dominicâ I. Augusti*.
Missa de Dominica currente post Pentec: uti notatur in *Propr. de Tempor:* (siquidem fiat de Dominica) Ritu ac Modò superius Dominica III. post Pentec: annotatò; ubi etiam alia huc pertinentia.
Infra *HEBDOMADAM II. AUGUSTE* fiunt omnia ad Normam Hebdomadæ I. Augusti; nisi quòd cuius *Feria* suæ de *Scriptura* occurrente Lectiones assignentur, quæ dicuntur ubi, Responsoria autem, uti *Hebdomadâ præcedente*. Quòd si
ini.